



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 2. Michaelis Imperatoris Epistola ad Ludovicum.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

Sæculum IX. *tor, quia, ut ipse ait, deflexit a Veritate*
 A. C. 824. *Nicephorus Patriarcha, mittenda est ad*
Romanum Pontificem ex utraque parti
Legatio, & inde Fidei accipienda certitudo. ()*

II. ep. 204.

post. Theg.
lib. II. n. 7.
p. 30.

Ad hæc tempora referri solet Theodori Epistola ad Theodoram Imperatricem, Leonis Armeni viduam, ejusque filium Basilium data, in qua gratulatur, quod Hæresim Iconoclastarum abjecerint; sed de miraculo silet, quod referebant, Basilium coram imagine S. Gregorii Nazianzeni vocem recuperasse. Idque hanc narrationem suspectam reddit.

§. II.

Michaelis Imperatoris Epistola ad Ludovicum.

ibid. n. 10. p.
44. Conv.
Paris. Supl.
Conc. p. 106.

Tandem Michael Imperator fortuna favente Thomam bello vicit, qui captus necatur in medio mensis Octobris

(*) Plane illo ævo veritatis Catholicæ testis S. Theodoro Studita nullus illustrior extitit, cujus Testimonia, ab Ecclesia Græca & Orientali advenientia, Protestantes nulla exceptione eludere, nulla ratione diluere possunt. Cave autem in Sæculo Photiano satis ea refellere se putat, dum dicit, Theodorum fuisse hominem in conomachia perditissime addictum, superbia inflatum, Schismatis auctorem, furiosum.

bris anno octingentesimo vigesimo ter-
tio. Sæculum IX.
A. C. 824.

Anno sequente Michael Legationem
in Franciam adornat, traditque amplis-
simam Epistolam ad Ludovicum Impe-
ratorem, quem Regem Francorum &
Longobardorum & ab iisdem dictum
Imperatorem appellat. Narrat seditio-
nem movisse Thomam, & a se devictum.
Excusat, quod inter bellorum turbas non
maturius ad Ludovicum misisset Lega-
tos. Eos deinde singulos nominat, sci-
licet, Theodorum Protospatarium &
Strategum, id est, Spatariorum Princi-
pem, & Ducem, Nicetam Metropolitam
Myrensem in Licia, (*) Fortunatum Ar-
chiepiscopum apud Venetos, nempe Pa-
triarcham Gradensem, qui Constantino-
polim se receperat, Theodorum Diaco-
num, & Oeconomum S. Sophiae, & Leo-
nem Candidatum. In hac Epistola Mi-
chael Imperator pacem & amicitiam
cum Ludovico Imperatore confirmat,
& deinde loquitur in hunc modum:

Sup. Lib.
XLVI. §. 40

*Sed & hoc vestrae Dilectioni manife-
stamus; quod multi tam de Clericis quam
de populo a Traditionibus Apostolicis re-*

M 2

ceden-

(*) Ecce, S. Nicolai post annos plusquam
quingentos Successorem! malum! quod iste
jubente Principe Iconomacho & contra bonam
causam Legationem suscepit.

Sæculum XI cedentes, res novas & perniciosas inven-
A. C. 824. xerint. Primum Cruces de Sacris tem-
 plis tollebant, & earum loco imagines
 statuebant, coram quibus lucernas accen-
 debant, & adolebant incensum, eundem
 iis honorem ac Cruci exhibentes. Apud
 imagines psallebant, eas adorabant, &
 auxilium ab iis petebant. Aliqui autem
 linteaminibus has imagines circumdabant,
 & filiorum suorum de fonte Baptismatis
 Susceptrices faciebant. Alii comam ca-
 pitis eorum, quam abscindebant, adbiben-
 tis imaginibus, quasi in sinum earum de-
 cidere sinebant. Alii Monasticum babi-
 tum sumpturi, suos capillos imaginibus
 offerebant. Quidam vero Sacerdotum
 colores de imaginibus radentes immiscue-
 runt S. Sacrificio, quod communicare vo-
 lentibus dabant. Alii Corpus Domini
 in manus imaginum ponebant, unde illud
 communicare volentes jubebant accipere.
 Non nulli in privatis domibus pictis ima-
 ginum tabulis pro Altaribus utebantur,
 & super eas Sacra Mystera celebra-
 bant. Multa denique his similia illicita
 fiebant.

Propterea Orthodoxi Imperatores &
 doctissimi Episcopi, congregato Concilio
 in ipso loco, talia fieri prohibuerunt, ima-
 gines ex humilioribus locis in editiora,
 ubi prius erant, efferrı jusserunt, ut ha-
 picturæ essent Fidelium Doctrina, & ne

a rudibus adorarentur, neque lucernas Sæculum IX.
accenderent, neque incensum adolerent. A. C. 824.

Quidam nolentes recipere Concilia loca-
lia fugerunt hinc & adierunt antiquam
Romam, calumnias Ecclesiæ inferentes;
nos vero spretis eorum blasphemis Fidem
nostram Orthodoxam vobis manifestam
facimus. Trinitatem unius Naturæ Di-
vinæ in tribus Personis colimus. Credi-
mus Incarnationem Verbi, Divinitatis
& Humanitatis duas Voluntates & o-
perationes prædicamus. Postulamus in-
tercessionem Sanctæ Virginis Dei Geni-
tricis & Omnium Sanctorum, Sanctas
eorum Reliquias veneramus, & quidquid
aliud a Beatissimis Apostolis traditum,
& a SS. Patribus in sex Synodis consti-
tutum est, confitemur & tenemus. (*)

M 3 Mitti-

(*) Abusus supra memorati aliqui sunt ma-
nifesti, & Confessio Fidei, ut sonat, Orthodo-
xa, sed Cardinalis Baronius de hac Epistola sic
sentit: *Hactenus Epistola Iconomachi Impera-*
toris, quæ cum multa mendacia contineat, &
errores multos in his quæ ad Catholica Dog-
mata spectant, hominem æque fraudulentum ac
impium repræsentat, qui vera multa mendaciis
miscens apparere conatus sit esse Catholicus.
Observandum etiam, quod sex solummodo
Conciliorum mentio fiat, & supprimatur septi-
mum.

Sæculum IX.

A. C. 824.

Mittimus igitur ad Romanum Papam Epistolas nostras cum Evangelio aureo lapidibus pretiosis ornato, Patena & Calice similiter aureis, ut offerantur in Ecclesia Apostolorum Principis S. Petri Legatis nostris, quos ut cum honore & securos Romam deduci jubeatis, falsos vero Christianos, qui Ecclesiam calumniantur, inde expelli rogamus. Dona etiam addita erant Epistolæ Ludovico Imperatori destinata Texta aliquot pretiosa Epistola autem data erat Constantino poli, decima Aprilis, Indictione secunda, nempe anno octingentesimo vigesimo quarto. Legati iidem libros, qui S. Dionysii Areopagitæ opera esse credebantur, Græce scriptos attulerunt, eosque Abbas Hilduinus tanquam Donum sibi a Cœlo missum suscepit.

*Areop. ap.**Sur. 9. Octo.**Eginh. an.*

824.

Ludovicus Imperator Legatos Michaelis, Rothomagi mense Novembri anno octingentesimo vigesimo quarto ad colloquium admissos, Romam deinde, ut ipsi petebant, dimisit. Imo etiam Fortunatum, Patriarcham Gradensem misit, Papæ rationem redditurum fugæ suæ, cujus causam nullam afferebat, nec Legati Græci quidquam in ejus defensionem meminerant. Suo autem nomine Ludovicus Romam duos Legatos ire jussit Freulfum Episcopum Lexoviensem, & Adegarium, qui cum Papa, cum ipsius

*Synod. Par.**in Suppl.**Cont. Gall.*

p. 109.

ipſius Mandatariis, & Episcopis Romæ præſentibus ſibi commiſſa tractarunt. Sæculum IX.
A. C. 825.

Tum ex mandato Ludovici Imperatoris petierunt Pontificis licentiam & conſenſum, ut ab Episcopis ſuis Quæſtionem de Imaginibus examinari juberet, & ſic Pontifex veritatem, in quam ipſius Auctoritate fuiſſet inquiſitum, rejicere non poſſet. Conceſſit Eugenius Papa hanc Imperatori facultatem, cumque Legati Francorum rediiſſent, Ludovicus Imperator multis Regni ſui Episcopis mandatum dedit, ut prima Novembris anno ſequente Pariſiis congregarentur.

§. III.

Capitulare Aquisgranenſe.

Interim menſe Majo ejusdem anni octingentefimi vigefimi quinti Cap. to. I. p. 631. Coint.
822. n. 22.
825. n. 6. Capit. to. I. p. 361. egit Imperator Aquisgrani, ubi creditur edidiſſe Capitulare, quod alii ad annum octingentefimum vigefimum tertium referunt. Id complectitur univerſalia ad omnes Subditos Ludovici monita, & mandata Delegatorum in Regni Provincias. Sunt autem Articuli viginti octo. Imperator hortatur Episcopos, ut gregibus ſibi commiſſis invigilent præſertim Monafteriis, in quibus obſervantiam Regulæ cuſtodirent. *Rogamus vos, inquit, ut nobis in noſtro Regimine veri adjutores exiſtatis, & ubicunque ſive culpa cu-*

